



者除一來勝果道彼心與餘如前善得俱起問此中云何名護加行不護加行耶答煩惱勢力現在前時令於所修斷彼加行有能護有不能護故若起中下乃至上中五品纏退時彼心與預流果及勝果道并善惡作憂根俱生品四蘊諸得俱起若起上上品纏退時

猶能護加行者彼心亦與如前善得俱起其有不能護加行者除預流勝果道彼心與餘如前善得俱起若一來者前六品纏隨起何退除善惡作憂根俱生品得彼心隨其所應與餘如前善得俱起若諸異生已離欲染隨起何品不善纏退時彼心與善惡作憂根俱

情九

二

生品四蘊諸得俱起不善心生善得起者謂從色無色界歿生欲界以不善心結生時彼心與欲界生得善四蘊諸得俱起有說彼心亦有與一分聞思所成四蘊諸得俱起云何無記心俱吞如無記心若退若生善法得起無記心退善得起者謂阿羅漢退勝根任劣

根時彼無記心與劣根品善得俱起學退勝種性住劣種性亦尔若阿羅漢起非想非非想處纏退時彼心與不還果及勝果道并非想非非想處順退分諸得俱起如是乃至起初靜慮後八品纏退時彼心與不還果及勝果道并初靜慮順退分諸得俱起若起初靜

慮上上品纏退時猶能護加行者彼心亦與如前善得俱起其有不能護加行者除不還勝果道彼心與餘如前善得俱起若不還者及諸異生已離無所有處染起無所有處纏退時彼心與無所有處順退分諸得俱起如是乃至起初靜慮纏退時彼心與初靜慮順

退分諸得俱起如已離無所有處染若已離識處染乃至已離初靜慮染應知亦尔若諸異生已離欲染起欲界有身見邊執見纏退時彼心與善惡作憂根俱生品四蘊諸得俱起無記心生善得起者謂無色界上地歿生下地時彼心與彼地善四蘊諸得俱起若從

情九

三

無色界及上靜慮地歿生下諸靜慮地時彼心與彼地善五蘊諸得俱起若從色無色界歿生欲界以有身見邊執見結生時彼心與欲界生得善四蘊諸得俱起有說彼心亦有與一分聞思所成諸得俱起若從欲界歿生上二界及上二界下地歿生上地時彼心與彼地生得善四蘊諸得俱起

設法善心俱起彼法善無色耶答諸法善心俱起彼法或善無色或無記無色云何善無色答諸法彼心相應彼心俱有善無色義如前釋云何無記無色答如善心勝進無記法得起及任善心無記諸根長養大種增益彼

法得生老住無常善心勝進無記得起者謂離欲染第九無間道滅解脫道起時彼心與初靜慮果無記通果心品諸得俱起乃至離第三靜慮染第九無間道滅解脫道起時彼心與第四靜慮果無記通果心品諸得俱起金剛喻定滅盡智起時彼心與隨所應靜慮

果無記通果心品諸得俱起已離欲染信勝解練根作見至加行道時有說及解脫道時彼心與隨所應靜慮果無記通果心品諸得俱起時解脫阿羅漢練根作不動依未至定乃至第四靜慮加行道時彼心與隨所應靜慮果無記通果心品諸得俱起及依一切地

第九解脫道時彼心與四靜慮果無記通果心品諸得俱起引發五通諸加行道五無間道三解脫道時雜修靜慮初後無間解脫道時起四無量初三解脫入勝處前八遍處時起無礙解及依未至定乃至第四靜慮增長時起無諍願智邊際定及增長時依未至定乃至第四靜慮起空空無願無願無相無相等諸功德及增長時彼心與隨所應靜慮果無記通果心品諸得俱起及任善心乃至彼法得生老住無常者謂生欲色界善心流注久相續起時諸根長養大種增益彼心與彼得四相俱起諸根長養大種增益問答解釋

情九

四

如大種蘊

諸法不善無色起彼法不善心俱耶答諸法不善無色起彼法或不善心俱或無記心俱云何不善心俱答諸法彼心相應彼心俱有不善無色義如前釋云何無記心俱答如無記心若退若生不善法得起無記心退不善

得起者謂諸異生已離欲染起欲界有身見邊執見纏退時彼心與見修所斷不善四蘊諸得俱起無記心生不善得起者謂從色無色界殺生欲界以有身見邊執見結生時彼心與見修所斷不善四蘊諸得俱起設法不善心俱起彼法不善無色耶答諸法

不善心俱起彼法或不善無色或善無色或無記無色云何不善無色答諸法彼心相應彼心俱有不善無色義如前釋云何善無色答如不善心若退若生善法得起此如前善無色起不善心俱釋云何無記無色答如不善心若退若生無記法得起及任不善心無

記諸根長養大種增益彼法得生老任無常不善心退無記得起者謂阿羅漢起欲界纏退時彼心與上八地修所斷無記四蘊諸得俱起諸不還者若已離無所有處染起欲界纏退時彼心與七地修所斷無記四蘊諸得俱起乃至若已離初靜慮染未離第二靜慮

情九

五

染起欲界纏退時彼心與一地修所斷無記四蘊諸得俱起諸異生類若已離無所有處染起不善纏退時彼心與七地見修所斷及欲界見所斷無記四蘊諸得俱起乃至若已離初靜慮染未離第二靜慮染起不善纏退時彼心與一地見修所斷及欲界見所斷無記四蘊諸得俱起若已離欲界染未離初靜慮染起不善纏退時彼心與欲界見所斷無記四蘊諸得俱起不善心生無記得起者謂非想非非想處殺生欲界以不善心結生時彼心與七地見修所斷及欲界見所斷無記四蘊修所斷無記色行二蘊諸得俱起有說



亦與欲界修所斷無記心心所諸得俱起謂善串習威儀路工巧處四蘊乃至初靜慮殑生欲界以不善心結生時彼心與欲界見所斷無記四蘊修所斷無記色行二蘊諸得俱起有說亦與欲界修所斷無記心心所諸得俱起如前說及任不善心乃至彼法得生老

任無常者謂諸異生三十四隨眠聖者四隨眠隨一流注久相續起時諸根大種長養增益彼心與彼得四相俱起餘如前說

諸法無記無色起彼法無記心俱耶答諸法無記無色起彼法或無記心俱或善心俱或不善心俱云何無記心俱答諸法彼心相應

彼心俱有無記無色義如前釋云何善心俱答如善心勝進無記法得起及任善心無記諸根長養大種增益彼法得生老任無常此如前善心俱起無記無色釋云何不善心俱答如不善心若退若生無記法得起及任不善心無記諸根長養大種增益彼法得生老

任無常此如前不善心俱起無記無色釋設法無記心俱起彼法無記無色耶答諸法無記心俱起彼法或無記無色或善無色或不善無色云何無記無色答諸法彼心相應彼心俱有無記無色義如前釋云何善無色答如無記心若退若生善法得起此如前善無

情九

六

色起無記心俱釋云何不善無色答如無記心若退若生不善法得起此如前不善無色起無記心俱釋

諸法欲界無色起彼法欲界心俱耶答諸法欲界無色起彼法或欲界心俱或色界心俱或無色界心俱或不繫心俱云何欲界心俱

答諸法彼心相應彼心俱有欲界無色彼心相應欲界無色者謂欲界心所法彼心俱有欲界無色者謂彼法生老任無常此中亦有同類得起略故不說云何色界心俱答如色界心若生若勝進欲界法得起及任色界心欲界諸根長養大種增益彼法得生老任無

常色界心生欲界得起者謂無色界歿若生  
 第四靜慮時彼心與第四靜慮果欲界通果  
 心品諸得俱起乃至若生初靜慮時彼心與  
 初靜慮果欲界通果心品諸得俱起如無色  
 界歿生色界上地歿生下地亦尔色界心勝  
 進欲界得起者謂以世俗道離欲界染第九  
 無間道滅解脫道起時彼心與初靜慮果欲  
 界通果心品諸得俱起乃至以世俗道離第  
 三靜慮染第九無間道滅解脫道起時彼心  
 與第四靜慮果欲界通果心品諸得俱起已  
 離欲染信勝解練根作見至世俗加行道時  
 彼心與隨所應靜慮果欲界通果心品諸得  
 俱起依未至定乃至第四靜慮時解脫阿羅  
 漢練根作不動世俗加行道時彼心與隨所  
 應靜慮果欲界通果心品諸得俱起引發五  
 通諸加行道五無間道二解脫道及世俗他  
 心智通解脫道時雜修靜慮中間心時起四  
 無量初三解脫八勝處前八遍處時起無礙

情九

七

解及依未至定乃至第四靜慮世俗無礙解  
 增長時起無諍願智邊際定及增長時依未  
 至定乃至第四靜慮起空空無願無願無相  
 無相等世俗諸功德及增長時彼心與隨所  
 應靜慮果欲界通果心品諸得俱起及任色  
 界心乃至彼法得生老任無常者謂生欲界  
 入色界定時諸根大種長養增益彼心與彼  
 得四相俱起云何無色界心俱答如任無色  
 界心欲界諸根長養大種增益彼法得生在  
 老無常謂生欲界入無色界定時諸根大種  
 長養增益彼心與彼得四相俱起云何不繫  
 心俱答如不繫心勝進欲界法得起及任不  
 繫心欲界諸根長養大種增益彼法得生老  
 任無常不繫心勝進欲界法得起者謂任見  
 道三類暫時彼心與苦集滅三現觀邊所修  
 欲界世俗智品諸得俱起以無漏道離欲界  
 染第九無間道滅解脫道起時彼心與初靜  
 慮果欲界通果心品諸得俱起乃至以無漏

道離第三靜慮染第九無間道滅解脫道起時彼心與第四靜慮果欲界通果心品諸得俱起金剛喻定滅盡智起時彼心與隨所應靜慮果欲界通果心品諸得及尔時所得欲界善法諸得俱起已離欲染信勝解練根作見至無漏加行道時有說及解脫道時彼心

與隨所應靜慮果欲界通果心品諸得俱起時解脫阿羅漢練根作不動依未至定乃至第四靜慮無漏加行道時彼心與隨所應靜慮果欲界通果心品諸得俱起依一切地第九解脫道時彼心與四靜慮果欲界通果心品諸得及尔時所得欲界善法諸得俱起起

情九

無漏他心智通時雜修靜慮初後心時依未至定乃至第四靜慮無漏無礙解等增長時彼心與隨所應靜慮果欲界通果心品諸得俱起及住不繫心乃至彼法得生老住無常者謂生欲界入無漏未至乃至無所有處定時諸根大種長養增益彼心與彼得四相俱

起設法欲界心俱起彼法欲界無色耶答諸法欲界心俱起彼法或欲界無色或色界無色或無色界無色或不繫無色云何欲界無色答諸法彼心相應彼心俱有欲界無色義如前釋云何色界無色答如欲界心若退若生色界法得起欲界心退色界得起者謂諸

聖者已離色染起欲界纏退時彼心與色界四地修所斷法諸得俱起乃至已離初靜慮染未離第二靜慮染起欲界纏退時彼心與色界一地修所斷法諸得俱起若諸異生已離色染起欲界纏退時彼心與色界四地見修所斷法諸得俱起乃至已離初靜慮染未

離第二靜慮染起欲界纏退時彼心與色界一地見修所斷法諸得俱起欲界心生色界得起者謂從無色界歿生欲界時彼心與色界四地見修所斷法諸得俱起乃至從第二靜慮歿生欲界時彼心與色界一地見修所斷法諸得俱起云何無色界無色答如欲界

情九

九



心若退若生無色界法得起欲界心退無色界得起者謂阿羅漢起欲界纏退時彼心與無色界四地修所斷法諸得俱起若不還者已離無所有處染起欲界纏退時彼心與無色界三地修所斷法諸得俱起乃至已離空無邊處染未離識無邊處染起欲界纏退時彼心與無色界一地修所斷法諸得俱起若諸異生已離無所有處染起欲界纏退時彼心與無色界三地見修所斷法諸得俱起乃至已離空無邊處染未離識無邊處染起欲界纏退時彼心與無色界一地見修所斷法諸得俱起欲界心生無色界得起者謂從非想非非想處歿生欲界時彼心與無色界三地見修所斷法諸得俱起乃至從識無邊處歿生欲界時彼心與無色界一地見修所斷法諸得俱起云何不繫無色答如欲界心退不繫法得起謂阿羅漢退勝根任劣根時彼欲界心與劣根品不繫得俱起學退勝種性

任劣種性亦尔若諸聖者已離欲染起欲界下下中二品纏退時彼心與一來果及勝果道諸得俱起若起下上品纏退時猶能護加行者彼心亦與如前諸不繫得俱起其有不能護加行者彼心惟與一來果諸得俱起若起中下乃至上中五品纏退時彼心與預流果及勝果道諸得俱起若起上上品纏退時猶能護加行者彼心亦與如前諸不繫得俱起其有不能護加行者彼心惟與預流果諸得俱起若一來者前六品纏隨起何退彼心隨應亦與如前諸不繫得俱起問欲界心勝進不繫法得亦起如或由施或由戒或由聞或由思故令於惡趣等得非擇滅此中何故不說有說應說而不說者當知此義有餘如是說者非擇滅雖不繫而彼得非不繫此中說不繫得起是故不說

諸法色界無色起彼法色界心俱耶答諸法色界無色起彼法或色界心俱或欲界心俱

情方

十



或無色界心俱或不繫心俱云何色界心俱  
 答諸法彼心相應彼心俱有色界無色義如  
 前釋云何欲界心俱答如欲界心若退若生  
 色界法得起此如前欲界心俱起色界無色  
 說云何無色界心俱答如任無色界心色界  
 諸根長養大種增益彼法得生老任無常謂  
 生色界入無色界定時諸根大種長養增益  
 彼心與彼得四相俱起云何不繫心俱答如  
 不繫心勝進色界法得起及住不繫心色界  
 諸根長養大種增益彼法得生老住無常不  
 繫心勝進色界得起者謂住見道三類智時  
 彼心與苦集滅三現觀邊所修色界世俗智  
 品諸得俱起以無漏道離欲界染若無漏為  
 加行諸加行道九無間道九解脫道時彼心  
 與未來所修色界道諸得俱起第九解脫道  
 時亦與初靜慮果色界通果心品諸得俱起  
 以無漏道離初靜慮乃至第三靜慮染時若  
 無漏為加行諸加行道九無間道九解脫道

時彼心與未來所修色界道諸得俱起最後  
 解脫道時亦與第二靜慮乃至第四靜慮果  
 色界通果心品諸得俱起以無漏道離第四  
 靜慮染及依未至定乃至第四靜慮離空無  
 邊處乃至非想非非想處染若無漏為加行  
 諸加行道時彼心與未來所修色界道諸得  
 俱起精九金剛喻定滅盡智起時彼心與尔時所  
 得色界善諸得俱起亦與隨所應靜慮果色  
 界通果心品諸得俱起未離欲染信勝解練  
 根作見至若無漏為加行彼加行道時有說  
 及解脫道時彼心與未來所修色界道諸得  
 俱起已離欲染信勝解練根作見至若無漏  
 為加行彼加行道時有說及解脫道時彼心  
 與未來所修色界道諸得及隨所應靜慮果  
 色界通果心品諸得俱起時解脫阿羅漢練  
 根作不動依未至定乃至第四靜慮無漏加  
 行道時彼心與未來所修色界道諸得及隨  
 所應靜慮果色界通果心品諸得俱起依一

切地第九解脫道時彼心與余時所得色界善諸得及四靜慮果色界通果心品諸得俱起無漏他心智通時雜修靜慮初後心時依未至定乃至第四靜慮無漏無礙解增長時即依彼諸地起無漏念住時彼心與未來所修色界道諸得及隨所應靜慮果色界通果

心品諸得俱起及任不繫心乃至彼諸得生老住無常者謂生色界入無漏未至乃至無所有處定時諸根大種長養增益彼心與彼得四相俱起設法色界心俱起彼法色界無色耶答諸法色界心俱起彼法或色界無色或欲界無色或無色界無色或不繫無色云何色界無色答諸法彼心相應彼心俱有色界無色義如前釋云何欲界無色答如色界心若生若勝進欲界法得起及任色界心欲界諸根長養大種增益彼法得生老住無常此如前欲界無色起色界心俱釋云何無色界無色答如色界心若退若生無色界法得

起色界心退無色界得起者謂阿羅漢起色界纏退時彼心與無色界四地修所斷法諸得俱起諸不還者已離無所有處除起色界纏退時彼心與無色界三地修所斷法諸得俱起乃至已離空無邊處除未離識無邊處除起色界纏退時彼心與無色界一地修所

情九

十二

斷法諸得俱起若諸異生已離無所有處除起色界纏退時彼心與無色界三地見修所斷法諸得俱起乃至已離空無邊處除未離識無邊處除起色界纏退時彼心與無色界一地見修所斷法諸得俱起色界心生無色界得起者謂從非想非非想處死生色界時彼心與無色界三地見修所斷法諸得俱起乃至識無邊處死生色界時彼心與無色界一地見修所斷法諸得俱起云何不繫無色答如色界心若退若勝進不繫法得起色界心退不繫得起者謂阿羅漢起色界纏退時彼心與不還果及勝果道諸得俱起色界心

勝進不繫得起者謂諸聖者以世俗道離欲界乃至第三靜慮染若世俗為加行一切加行無間解脫道時彼心與未來所修不繫法請得俱起依未至定乃至第四靜慮離第四靜慮乃至非想非非想處染若世俗為加行諸加行道時彼心與未來所修不繫法諸得俱起信勝解練根作見至及依未至定乃至第四靜慮時解脫阿羅漢練根作不動若世俗為加行諸加行道時彼心與未來所修不繫法諸得俱起若諸聖者引發諸通諸加行道五無間道二解脫道及世俗他心智通解脫道時雜修靜慮中間心時若諸聖者起四

十三末

無量初三解脫八勝處前八遍處時起無礙解及依未至定乃至第四靜慮世俗無礙解增長時起無諍願智邊際定及增長時依未至定乃至第四靜慮起空空無願無願無相無相時及聖者即依彼地起不淨觀持息念世俗念住等諸功德及增長時彼心與未來

所修不繫法諸得俱起問色界心生時不繫法得亦起如無色界歿生第四靜慮時彼心與第三靜慮見修所斷蘊擇滅得俱起乃至上地歿生初靜慮時彼心與欲界見修所斷蘊擇滅得俱起此中何故不說答有說應說而不說者當知此義有餘如是說者今時所得擇滅雖不繫而彼諸得是色界繫非不繫是故不說

說一切有部發智大毗婆沙論卷第二百五十九情九

不出字

阿毗達磨大毗婆沙論卷第一百六十 情十

五百大阿羅漢等造三藏法師玄奘奉詔譯

定蘊第七中得納息第一之四

諸法無色界無色起彼法無色界心俱耶答諸法無色界無色起彼法或無色界心俱或欲界心俱或色界心俱或不繫心俱云何無

乙

方